

SCRIPT OF EVENING GOJRI NEWS BULLETIN 26FEB 2025

1700HRS

اوننگ گوجری نیوز بولٹین 26 فروری 2025

یوہ آکاشوانی جموں بے مبارک ماہرتے نصرت تیں خبر سنو۔

HEADLINES

۱۔ صدر جمہوریہ درویدی مرمو نے کہیو ہے کہ خواتین نانہہ خود انحصادی تے خود کفیل بنن بارے کوشش کرنی چائیں۔

۲۔ سرحدی حفاظتی دستا بی ایس ایف نے پٹھانکوٹ مانہہ بین العقوامی سرحد ور ایک دراندازی غی کوشش نانہہ ناکام بناتاں واں اج سویرے ایک پاکستانی درانداز نانہ ہ گولی مار غے ہلاک کردتو۔

۳۔ ضلع راجوری مانہہ فوجی گڈی ور دہشت گرداں غی طرفوں گولی باری تیں بعد تلاشی مہم جاری ہے۔

۴۔ مرکزی وزیر داخلہ امت شاہ غو کہنو ہے کہ سرکار غو پیش کردہ بجٹ پچھڑیا طبقات کساناں تے مختصر لوکا تے درمیانہ درجہ غا کاروباری اداراں واسطے فائدہ مند وے غو۔

۵۔ مہا شیو راتری خطہ جموں مانہہ جوش و خروش نال منائی گئی۔ اس موقع ور مندران مانہہ عقیدت منداں غی طرفوں پوجا پاتھ کی گئی۔

PRESIDENT MP

صدر جمہوریہ درویدی مرمو نے کہیو ہے کہ خواتین نانہہ خود انحصادی تے خود کفیل بنن بارے کوشش کرنی چائیں انہاں نے کہیو جے خواتین اپنی زندگی مانہ کامیاب ویں غی تے تد ہی مہارو معاشرہ تے ملک کامیاب وے گویاہ گل صدر جمہوریہ نے اج مدھیہ پردیش غا چھتر پور ضلع غا باگہشور دھام مانہہ ۱۵۲ لڑکیاں غی اجتماعی شادی غا پروگرام غا موقع ور کہی اُن نے کہیو جے سرکار نے ایک ترقی یافتہ ہندوستان غی تعمیر غو عزم کیو ہے تے اس واسطے سماج غا تمام طبقات کی بروبر ترقی ضروری ہے۔ صدر جمہوریہ نے نواں شادی شدہ جوڑاں نانہہ ساڑیں تے کپرا بندیا انہاں نے شادی شدہ جوڑاں نانہہ گھریلو سامان غے نال نال سلانی مشین تے اٹا چکی دین ور خوشی غو اظہار کیو انہاں نے کہیو جے کالسریاں نانہہ خود انحصاد بنان خاطر ایسا جتن ضروری ہیں اس موقع ور ریاسی گورنر منگو بھائی پٹیل تے وزیر اعلیٰ ڈاکٹر موہن یادو نے وی خطاب کیو۔

INFILTRATION

سرحدی حفاظتی دستا بی ایس ایف نے پٹھانکوٹ مانہہ بین العقوامی سرحد ور ایک دراندازی غی کوشش نانہہ ناکام بناتاں واں اج سویرے ایک پاکستانی درانداز نانہ ہ گولی مار غے ہلاک کردتو ہمارا نامہ نگار نے بی ایس ایف فرنٹیر پی آر او غا حوالہ سنگ خبردتی جے بی۔ایس۔ایف غا دستاں نے پٹھانکوٹ سیکٹر مانہہ تاش پتن سرحدی چوکی غے نیڑے نکلی لو سرحد پار تیں ایک مشکوک حل جُل دیکھی جس مانہہ اُن نے ایک درانداز نانہہ سرحد پار کرتا واں دیکھیو تے سرحد ور تعینات حفاظتی چوکسی دستا نے ٹھاکو پر اُس نے اس گل در دھیان نہیں دتو۔ اس عمل تیں بعد حفاظت ور لگا فوجیاں نے اس نانہہ نشانو بنایو جس غا نتیجہ مانہہ وہ ہلاک ہو گیا بی ایس ایف نے دسیو جے مرن آلا در انداز غی شناخت تے

محركات غو پتو لايو جاريو هے ته ٲاكستاني رينجراں ناٲه اس سلسله ماٲه سخت احتجاج
درج كرايو جائے غو۔

ARMY VEHICLE

جموں كشمير غا ضلع راجوري ماٲه اء قبضه لكير غے نيٲے ايك گوالي گراں ماٲه ايك
فوجي گڏي مشتبہ دہشت گرداں غي گولي باري غي زد ماٲه آگني حكام نے دسيو هے جے
مختصر گولي باري ماٲه كسے وي جاني نقصان غي كوئے فوري اطلاع ناہيں هے انہاں نے
مزيد كہيو جے دہشت گرداں غا بارا ماٲه خيال كيو جائے كہ وے جنگل ماٲه چھپيا وا ہيں
دہشت گرداں نے اس علاقہ تيں گزرن آلي فوج غي گدي ور چند گولي داغي جھيٲي اُن واسطے
روايتي دراندازي بارے حكمت عملي سمجھي جائے فوج ته علاقہ ناٲه گھيرا ماٲه لے غے
تلاشي كاروائي شروع كردي هے۔

HM AMIT SHAH VISIT

اندروني معاملاں گا وزير امت شاہ نے كہيو هے كہ وزير خزانہ نرملا سينا رمن نے بجٹ پيش
كيو تھو جھيرو پچھر يا طبقاں كساناں ته مكنصر لھوكا ته درميانہ درجہ گا كاروباري اداراں
واسطے وي فائديو مند وے غوياہ گل اُن نے افتتاح غا موقع ور خطاب كرتا واں كہيو۔ وزير
داخلہ نے كہيو جے يوہ تيجو موقعو هے جس وزير اعظم نريندر مودي ناٲه لوكاں نے چنيو
كيو نكہ لوكاں ناٲه ان ور ٲكو يقين هے۔ وزير موصوف نے كہيو كہ اين ڈي اے اگلا برے تمل
ناڏو ماٲه سركار بناوے غي انہاں نے كہيو جے بي جے ٲي واسطے ڈي ايم كے سركار ناٲه
ختم كرن غو ويلو آگيو هے جھيٲي اپنا ملك مخالف عقيدہ واسطے مشہور هے۔ وزير داخلہ نے
كہيو جے نوي بنن آلي سركار قومي ترقي غا سلسلہ ماٲه نواں نظرياں غو خير مقدم كرے
غي۔

TRAFFIC ADVISORY

برفباري ته بارش غے چلتين جموں كشمير قومي شاہراہ ۴۴ غي اوچي پہاڙياں ور سفر كرن
آلاں واسطے ٲريفك ٲوليس رام بن نے ہدايت جاري كي هے۔ آكاشواني رام بن غ انمانيندہ
اجے ديٲ سنگھ غي رٲوٲ غے مطابق ايس ايس ٲي ٲريفك رام بن نے دسيو كہ دلواس مہاڙ
ماروگ ته كشتواڙ ٲتھري غے درميان چار لين غي تعمير غے باعث ٲريفك غي نقل وحمل
آہستہ هے ته كئي مقامات ور صرف ايك لين چل رهي هے۔ مسافراں ته نكي گڏياں غا
مسافراں ناٲه صلاح دتي گئي هے جے جموں كشمير قومي شاہراہ ور تہاڙي غے وقت بي سفر
كرين كيونجے رام بن ته بانہال غے درميان ٲتھراں غا گھرن گو انديشو هے۔

ANNOUNCEMENT

علاقائي خبراں آلو شعبو آكاشواني جموں غي طرفوں ضلع كٹھوعہ واسطے عارضی نامہ
نگاراں يعني ٲي ٲي سي غو
ٲينل بنان خاطر درخواست منگي گئي ہيں۔ مجوزہ ٲرفارمہ ور عارضی نامہ نگار غي ٲوسٲ ماٲه
دلچسٲي ركھن آلا ايسا اُميدوار درخواست دے سكين گا جھيٲا ضلع كٹھوعہ گا بسنيك ويں ته
اُن غي عمر غي حد 24 براں تيں 50 براں غے بشكار وے۔ ٲي ٲي سي غي اس ٲوسٲ
واسطے تعليمي قابليت ٲي جي ڈٲلومہ يا صحافت غا شعبہ ماٲه

ڈگری یافر تسلیم شدہ یونیورسٹی تین گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہہ بزات خود آئیندہ 7 مارچ توڑی دے سکیں۔ اس بارے مزید جانکاری ویب ور www.newsonair.gov.in سانیٹ دستیاب ہے۔

MAHASHIVRASTRI SS

جموں کشمیر کابینہ وزیر ستیش شرما نے مہاشیو راتری غ اموقع ور آپ شمیو مندر غو دورو کیو اُنہاں نے مندر مانہہ متھو ٹیک غے سب واسطے امن تے خوشہالی غی دعا کی۔ اس موقع ور بری تعداد مانہہ عقیدت منداں نے مندر مانہہ حاضری دتی تے تہوار نانہہ عقیدت نال منایو۔ وزیر موصوف نے جموں کشمیر غا عوام نانہہ مہاشیو راتری غی مبارک باد دتی تے کہیو یوہ تہوار لوکاں نانہہ آپس مانہہ جوڑن گو پیغام دے۔ اُنہاں نے مندر غی روحانی اہمیت نانہہ سہرايو اس دوران عقیدت منداں نے مزیدی رسومات مانہہ بڑھ چڑھ غے حصو لیو تے خصوصی دعا کی۔ اس سلسلہ مانہہ بولتا واں کابینہ وزیر ستیش شرما نے اس طرح کہیو۔

MAHA SHIV RATRI

جموں خطہ مانہہ اج مہاشیوراتری غو تہوار مزیدی جوش تے جزیہ سنگ منایو جارہیو ہے نکی لو تیں ہی عقیدت منداں نے جموں صوبہ غا بھگوان شیو مندران مانہہ خصوصی پوجا پاٹ واسطے بھڑ لادتی ہے شیوراتری لفظی طور ور شیو غی رات ہندو کیلنڈر غا سب تیں اہم موقعان وچوں ایک ہے جہیڑا عام طور ور ہر برے پھگن مہینہ غی چودھویں رات نانہہ آوے تے انگریزی مہینہ فروری تے مارچ بشکار آوے شیو راتری جس نانہہ بیراتھ غا نام نال وی جانیو جائے۔ کشمیری پنڈت برادری مانہہ خاص اہمیت رکھے پنڈت برادری کئی ہفتاں تک یوہ تہوار مناتی رہ جشن غے دوران وے مچھلی سبزیاں غا خاص پکوان پکاویں تے ہر روز بھگوان شیو غی پوجا کرن خاطر مخصوص نایاں غے نال تہاڑا مقرر کریں جموں ضلع مانہہ جانیپور غا علاقہ مانہہ آپ شمیو مندر تے سرکلر روڈ ور پیر کھو مندر مانہہ عقیدت منداں غو سب تیں بڑو مجمو دیکھیو جائے۔

TOLL REVISION

جموں کشمیر ہائی کورٹ نے لکھن پور ٹول پلازہ تے بن ٹول پلازہ غی تعمیر مکمل ہون تک قومی شاہراہ ۴۴ ور دوہاں ٹول پلازاں ور ٹول فیس مانہہ کمی کرنبارے ہدایت دتی ہے۔ بکھ بکھ اخباراں غی خبراں غے مطابق چیف جسٹس تاشی رستان تے جسٹس ایم اے چوہدری غی بنج نے قومی شاہراہ ۴۴ غے نال لکھن پور ٹھنڈی کھوتی تے بن ٹول پلازاں ور ٹول ٹیکس تیں استثنی غی درخواست غی سماعت کرتا واں کہیو کہ جد تک دلی امرتسر کترا شاہراہ نانہہ قومی شاہراہ سنگ مکمل طور ور جوڑ نہیں دتو جاتو اچر تک ان جگہاں ور ٹول لینو غیر منصفانہ تے غیر معقول ہے عدالت نے ہدایت دتی ہے قومی شاہراہ غا مکمل ہون تک دوہاں ٹول پلازاں ور ٹول ٹیکس مانہہ فوری طور ور ۰۸ فی صد کمی کی جائے تے نال ہی دوجا ٹول

پلازہ غا ۰۶ کلو میٹر غا دائرہ اندر کسے وی ٹول پلازہ نانہہ بٹایو جائے اس تیں علاوہ عدالت
نے تول پلازاں ور کسے نانہہ وی ملازم رکھن تیں پہلاں پُلش غی تصدیق نانہہ لازمی قرار دتو۔

MINISTER RANA

وزیر جاوید احمد رانا نے پیر پنجال علاقہ غو دورو کیو تے محکمہ جنگلات تے جل محکمہ
جنگلات تے جل شکتی غا کماں گو جائیزو لیو۔ انہاں نے فیلڈ افسراں غے نال میٹنگ غے
دوران عوام نانہہ بہتر خدمات فراہم کرن تے جل جیون مشن سکیمان نانہہ وقت ور مکمل کرن
ور زور دتو تانجے ہر فرد نانہہ ساف پین غو پانی میسر ہوسکے انہاں نے مزید جنگلات غا
بہتر نظام نانہہ یقینی بنان ور وی زور دتو۔

CRICKET ICC CHAMPIONS TROPHY

مرداں غی آئی سی سی چیمپینز ٹرافی کرکٹ مانہہ پاکستان غا شہر لاہور غا قذافی اسٹیڈیم
مانہہ گروپ بی گا ایک اہم مقابلہ مانہہ افغانستان نے انگلینڈ غے خلاف تاس جیت غے پہلاں
بلے بازی غو فیصلو کیو ہے اس کھیڈ مقابلہ مانہہ کرویا مرو آلی کہانی بنی وی ہے کیو نجے
بارن آلا ٹیم ٹورنا منٹ تیں باہر ہو جے گی مزکورہ دوئے ٹیم اپنا ابتدائی میچ ہار گئی وی ہیں
تے بغیر کسے پوائنٹ غے گروپ بی مانہہ سب تیں پیچھے ہیں انگلینڈ نانہہ آسٹریلیا غے
بتھوں ۵ واں وکتاں تیں شکست غو سامنو کرنو پیو جد کے افغانستان نانہہ جنوبی افریقہ غے
بتھو ۷۰۱ دوڑاں تیں ہار غو منہ دیکھنو پیو۔
